

I GUÈRRE

I guèrre tra i croscke se facévene quase sèmbè de state tra i uagliúne de doje víje, de duje palazze.

L'arme che i uagliúne ausavene érene préte che menavene a mmane o ch'i fercenèlle o ch'i fucíle de légne, spade de légne, arche e frècce.

I capuriúne d'i croscke jévene truuanne scuse e mmaletímbe pe ffà 'na guèrre, avastave trasì ndò palazze o dinde a strade de n'ata croscke ca sùbbete abbejave ammujíne.

Paréve ca u stèsse pertóne o 'a strade déve l'allarme e sùbbete se furmave 'a croscke e avíve sperà ca nde pegghjavene preggiuníre sennò érene sckaffe, scarocchje, cavece ngúle, pizzele e male parole.

Quanne u preggiuníre venéve lebberate sùbbete jéve da u capurióne d'a croscke súje p'accundà tutt'u fatte e quisti sùbbete jéve a chiamà i suldate, s'armavene e currevéne pe jì a ffà 'a guèrre.

I guèrre fenévene quanne i croscke se nghiúdevene nde pertúne, quanne quacche uaglióne se rúmbeve 'a cape o se rúmbeve quacche lastre.

Íje appartenéve 'a croscke d'***l tre pertúne***, quille d'u palazze Fullìre (Follieri) e faciavame sèmbè 'a guèrre condre a croscke d'***l Sagramendine***.